



明作在少

後主 句多仰

三休詩

下 購之

批井範 為持

夜三

增註唐詩五言律句三體家法卷之下

○四實

周弼曰謂中四句皆景物而實開元大曆多此體華麗典重之間有雍容寬厚之態此其妙也稍變然後入於虛間以清思故此體當為眾體之首昧者為之則堆積窒塞寡於意味矣

早春游望

復齊謾錄以為蘇州詩

杜審言

獨有空游入

王吉曰長卿久空游不遂而困

偏驚物候新雲霞出海曙

梅柳渡江春

本集題云和晉陵宋早春游望此一句蓋晉陵游望之景

淑氣催黃鳥

晴光轉綠蘋忽聞歌古調

古一作歸思欲沾巾

增註

黃鳥黃鸝名倉庚齊人謂之搏黍爾雅春之大者

遊少林寺

傳燈錄達磨禪師寓止嵩山少林寺面壁九年即此

沈佺期

長歌遊寶地徙倚對珠林

佛經黃金七寶為地摩尼珠為林楚詞步徙倚而遙思注曰徙



遷移倚

鴈塔風霜古

佛書西域有北丘見群鴈飛乃曰鴈立也

龍池歲月深緝園澄夕霽

謂園業緝碧夕陽碧殿照之如木色之澄

下秋陰歸路煙霞晚山蟬處處吟

寶地珠林並佛寺通稱

龍池杜詩掖垣迴龍龍注洛陽圖經有龍龍池又長安志玄宗洪州興慶宮龍門外小池景龍中彌且數頃常見黃龍晉鸞殿縹碧為瓦

晚至華陰增註

漢書華陰縣秦各盜秦漢為華陰縣屬蜀京兆大華山在南唐華州華陰郡屬關內道

今屬陝西東路

皇甫曾

臘盡促歸心行人及華陰

華陰縣在華州東六十五里

雲霞僊掌出

王涯大華仙掌辨云西岳人華之首李有五崖自下遠望偶為掌形何代不修一禱三祠無藏而缺

松柏古祠深

玄宗太華銘云壇場廟宇

野渡冰生岸寒川燒隔林

溫泉看漸近

宮樹晚沉沉

溫泉宮見前注

增註

隋初名五極臘挾也取初舊宮交接可以十二月為臘今相傳冬至

後第... 燒失照切

經廢寶慶寺增註

寶慶一作寶

司空曙

黃葉前朝寺無僧寒殿開池晴龜出曝松暝鶴飛回

古砌碑橫草陰廊畫雜苔禪宮亦消歇塵世轉堪哀

次北固山下

英靈集題作江南意

增註

北固山在潤州北下里迥嶺下臨長江山勢從北來險固

王灣

客路青山外行舟綠水前

英靈集作南國多新意東行伺早天

潮平兩岸

潤風正一帆懸海日生殘夜江春入舊年鄉書何處

達歸鴈洛陽邊增註

漢武帝射上林得雁足有繫帛書

岳陽晚景增註

岳陽岳州郡名州居天岳山之陽秦晉屬長沙郡宋巴陵郡隋唐岳山

州巴陵郡屬江南道今屬湖北道

張均

晚景寒鴉集秋風旅鴈歸水光浮日去霞彩映江飛
洲白蘆華吐園紅柿葉稀長沙里暑地岳陽漢屬長沙

自湘江至東萊九月未成衣詩九月

晚發五溪

蜀先王於五溪立黔安郡今紹慶府也五溪者西溪辰溪巫溪武溪沅溪增註

荆湖山谷間有五溪西長一云楚滅巴巴子兄弟五人流入五溪各為一溪之長今屬常德武陵秦司馬錯定黔中據城以扼五溪謂雄溪備溪西溪沅溪辰溪又云在辰州武陵之間壺顯山後即漢馬援所征處

岑參

客厭巴南地鄉隣劍北天江村片雨外野寺夕陽邊
芋葉藏山徑蘆華間渚田舟行未可住乘月且須牽

增註

巴南二巴中巴巴西巴巴東也歸州夔州魚復雲安並屬巴東綿州屬巴西巴南指巴以南也○劍北唐劍南道梁州自劔而南分益州

仲夏江陰官舍寄裴明府增註

江陰為李札所封延陵故地秦漢屬會稽

管兵郡梁置江陰郡及縣唐江陰縣隸常州晉陵郡屬江南道南唐及宋江陰軍今屬浙西道○明府杜詩明府豈建浦注郡所居曰

李嘉祐

萬室邊江次孤城對海安朝霞曉作雨濕氣晚生寒

苔色侵衣桁

謂梅

潮痕上井欄題詩招茂宰

詩茂宰

思爾欲辭官增註

衣桁衣架也

深遐卷蓋草茂為密今有聲故詩人用以比華邑者○井欄魏明帝九龍殿前為玉井綺欄○茂宰杜工部趙明府詩茂宰得林新謝玄暉和伏曼容詩茂宰深遐卷蓋其時曼容為武昌太守蓋太守亦稱茂宰又李白贈義興宰詩天子思茂宰則縣官亦稱茂宰也○晉陶潛為彭澤令郡遣督郵至吏白

應末帶見之潛歎日吾不...
米抗腰事相也小兒乃解印對官地

山行

殷遙

寂歷青山曉山行趣不稀
野蕪成子落江燕引雛飛
暗草薰蒼徑晴楊拂石磯
俗人猶語此余亦轉忘歸

增註

水激石曰磯

送陸明府之邢昭

增註 邢音呼昭音怡春秋吳善道地漢為縣晉曰魏置郡陳

北魏州唐為縣屬淮南道泗州即宋招信軍今屬淮東道

崔峒

陶令之官去離愁慘別兔白煙連海戍紅葉近淮村

遠浪搖山郭平蕪到縣門政成堪吏隱

增註 陶令以淵明北陸明府也戍守邊也漢梅福為南昌尉棄妻子更姓名

為吳市門卒皆隱於吏者也

溪南書齋

增註 唐劍南道戎州南溪郡有南溪縣又簡州有南溪在壽昌寺側有小

桃源

楊發

茅屋住來久山深人閉門草生垂井白華落擁籬根

入院將雛鳥攀蘿抱子猿曾逢異人說風景似桃源

增註 蘿我爾雅云束絲詩疏在草曰兔絲在木曰松蘿○異人前定錄表孝叔遇異人得書云每受一命即開一

幅累仕皆驗○桃源在常德府晉太元中武陵人捕魚緣溪忽逢桃華夾岸漁人異之行盡水源得一山有小口捨舟入豁然開朗屋舍儼然有良田美地桑竹之屬男女衣著悉如外人見漁人驚問設酒食云先世避秦亂來此留數日漁人辭去自歸處處識之請太守說太守遣人隨往路迷不得黃任安貧武陵記漁人姓黃名道真太守係劉歆

泊楊子岸

楊子橋去揚州城十五里

祖永

纔入維揚郡，鄉關北路遙。林藏初霽雨，風退欲歸潮。
江火明沙岸，雲帆礙浦橋。客衣今日薄，寒氣近來饒。

增註

以維水維
繞日維揚

新秋寄樂夫

劉禹錫

月露發光彩，此時友見秋。夜涼金氣應，天靜火星流。

詩七月流火爾雅

注日太火心星也

蟲鳴當偏依，井螢飛直過。樓相知盡白

首清景復追遊

意謂彼已皆老復事
追遊平言不復也

秋日送客至潛水驛

增註
潛水驛在杭州於潛
縣北與吳興接壤

侯吏立沙際，田家連竹溪。楓林社日鼓，茅屋午時雞。
雀噪晚禾地，蝶飛秋草畦。驛樓官樹近，疲馬再三嘶。

增註

月令擇元日命民祀謂分龍后土皆平水土之神故祀以為
社今春秋一祭以立春立秋五戊日為社○官備指吳故都也

得日觀東房

增註
在洪州
武寧縣

李質

曾入桃源路，桃源信少雙。洞霞飄素練，壁藓畫陰窓。

古木疑撐月，危峰欲墮江。自吟空向寂，誰與倒秋缸。

唐詩紀事云質襄陽人應舉無成在謁至豫章遇寇倉皇去得
日觀東房樓一壺上樓朗吟日三五如有入日土主尚書在此
質後登第

東鎮豫章

北固晚眺

竇常

水國苦種後，梅天風雨涼。露蠶開晚簇

露蠶謂蠶食
於外自淮以

北其俗也自然每至晚晴連屋
江燕語危檣，山北來固湖

頭西望長年年，此登眺人事幾銷亡

增註
江海所在
日本國又

日澤國○芒種五月節風土記
夏至前芒種後雨為黃梅雨

送可以歸越中增註

朱可久即朱慶餘○越夏少康
封水子於會稽號於越漢屬江
都國唐越州會稽郡屬
江南道今屬浙東道

賈島

石頭城下泊

建康實錄石頭城
九里即今清涼寺

北固瑱鍾初汀鷺衝朝

起船窓過月虛吳山侵越衆隋柳入唐疎日欲供調

膳

調膳謂
養親也

薛登疏曰漢取王必觀其
行間里推奉然後府寺辟

增註

石頭城孫權築云周寶築
○吳山指建康蘇潤等處

新安江行

徽州隋改
為新安郡

章八元

江源南出采

浙江源
出徽州

野飯暫維梢

海賦維長梢李
善注梢帆細也

古戍

懸魚網空林露鳥巢曉山春現沙淺浪痕交自笑

無媒者遂入作解嘲

楊雄事不過人嘲
之雄作解嘲賦

增註

出永一作去
永詩九之永

矣注永長也○周禮注媒之
言謀也謀各異類使和成也

三月五日汎長沙東湖增註

東湖在潭
州長沙界

張文新

上巳餘風景

風俗通曰
巳社也

芳辰集遠坵

爾雅林外
謂之坵

湖光

迷翡翠草色醉蜻蜓鳥弄桐華日魚翻穀雨萍從今

留勝會誰看畫蘭亭

畫記有蘭亭脩禊圖按本集此篇乃
長律蓋伯勇撰而為此既非贊句不

知何以

增註

漢禮儀志三月上巳官人並禊飲水上謂滌邪
疾巳去禊分社也魏已後但用三日不復用巳

○裴赤羽雀翠青羽雀其羽可為飾○清明後十五日斗箕辰
為穀雨○月令季春萍始生或云柳絮化為萍○晉永和九年

三月三日王羲之與孫統等
會于山陰之蘭亭修禊事也

送人人蜀增註

蜀自秦叢柏灌魚鳥
稱王至杜宇林望帝

李遠

蜀客本多愁，今君是勝遊。碧藏雲外樹，紅露驛邊樓。

杜宇呼名語博物志杜宇啼苦，巴江學字流巴州志巴江者以水屈曲

不知煙雨夜，何處夢刀州。增註 成都記社

日巴江 王稱望帝以祖禪開明死，魂化為鳥名杜鵑，亦曰子規。晉王

之主簿李毅拜賀曰：「二乃為州子，又益二者。」

明府其臨益州乎，果遷益州刺史，後再刺。

天晚日沉沉，孤舟繫柳陰。江村平見寺，山郭遠聞砧。

樹密猿聲響，波澄鴈影深。榮華暫時事，誰識子陵心。

嚴于陵釣臺在灘側 增註 子陵本姓莊，以漢明帝諱，改姓嚴。名光，字子陵，其字也。少

孤山寺 在錢塘舊唐

張祐

七里灘 在嚴州俗云有風

許渾

樓臺聳碧岑，一徑入湖心。不雨山長潤，無雲水自陰。

斷橋荒蘚合，空院落華深。猶憶西窓夜，鍾聲出北林。

惠山寺 在无锡縣西七里

舊宅人何在，空門客自過。泉聲到池盡，惠山泉天一山下第一水

色上樓多小，洞穿斜竹重。塔夾細莎，慙慙望城市。雲

外暮鍾和增註 本草莎草一名候莎

登蒲澗寺後嚴 南越志首蒲澗在臨安縣東北咸安中姚成甫於澗側遇丈人曰此首蒲安

李群玉

五仙騎五羊，何代降茲鄉。襄宇記高固為楚相有五仙人騎五色羊持穀穗遺州人因呼

澗有堯時韭 廣州蒲澗寺產首蒲十六節呂氏春秋日堯時天降糈

期生所種

於庭為韭感，南越志大禹取藤根為糧山餘禹日根自陰為首蒲樓臺

籠海色草樹發天香浩笑煙波裏浮溟與甚長

送僧還南海增註廣州南海郡唐屬嶺南道今屬廣東道李洞

春往海南邊秋聞半夜蟬鯨吞洗鉢水崔豹古今注鯨魚大者長千里

尾觸點燈船交州記犀牛毛如豕頸如島嶼分數千丈

諸國星河共一天長安却回日松偃舊房前玄奘往西域房前有松其枝西偃忽一日枝東偃弟子曰師歸矣果然

增註鉢孟屬西國有佛鉢是也犀行江海水為之開

鄂北李生舍增註鄂音扈唐京兆府有鄂縣漢書屬扶風郡即古扈國

圭峰秋後夜圭峯在終南山亂葉落寒虛四五百竿竹二三

千卷書雲深猿盜粟雨霽燈沾蔬只隔門前水如同

萬里餘

塞上增註古今注塞者所以擁塞夷狄也又西北曰塞東南曰邊司空圖

萬里隋城在隋大業二丁年築長城二邊虜氣衰沙填孤障角蒼

燒斷故關碑馬色經寒慘鵬聲帶晚悲本集將

軍正閑暇留客換歌辭增註漢書武帝

寄永嘉崔道融增註永嘉温州郡稱春秋屬越秦屬閩中漢置永嘉縣並立

永嘉郡隋改括州唐温州永嘉郡屬江

旅寓雖難定乘閑是勝遊碧雲蕭寺霽紅樹謝村秋

戍鼓和潮暗船梁姓蕭每寺大書蕭字故曰蕭寺杜陽編云蕭子雲書謝靈運嘗守永嘉今石帆鄉有謝公嶺

窓照島幽詩家多滯此風景似相留增註謝村或云在積谷山下

泊靈溪館

天台賦過靈溪而一

鄭巢

孤吟踈雨絕，荒館亂峰前。曉鷺棲危石，秋萍滿敗船。

溜從華頂落，華頂峰在天台縣東北二十里樹與赤城連。已有未閑意

相期在暮年。

赤城山在縣北六里名燒山石壁如霞赤

甘露寺

圖經云李德裕所建甘露降遂以名寺

增註

在潤州城東南上山上臨大江又云

在北

孫魴

寒暄皆有景，孤絕畫難形。地拱千尋嶮，天垂四面青。

晝燈籠鴈塔，夜磬徹漁江。最愛僧房好，波光滿戶庭。

四人為侶，倍似為尋

江行增註

泚流湘流日

李子咸用

蕭湘無事後

蕭水出道湘水

征棹復嘔啞，高岫留殘照。

歸鴻背落霞，魚依沙岸草。蝶寄湫流槎，共說干戈苦。

汀洲減釣家

春日望聖

李中

野外登臨望蒼蒼，煙景昏暖風鬢病。草茸雨洗荒村，

雲散天邊影。潮回島上痕，故人不可見。倚杖後吟，竟

勝果寺

在杭

增註

圖經載在舊治後勝字亦作聖

僧處默

路自中峰上，盤回出薜蘿。到江吳地盡，臨岸越山多。

古木叢青靄，遙天浸白波。下方城郭近，鍾磬雜笙歌。

增註

薜荔香草說文似蒲而小○吳地蘓州為吳泰伯之墟○越山指會稽

靜林寺

在安吉州

增註

在襄陽釋氏通監載梁晉安王表表造靈泉寺周改靜林隋改

景雲唐仍舊觀

僧靈一

靜林溪路遠蕭帝有遺蹤水擊羅浮磬山鳴于闐鍾

羅浮山名于闐國各一物未詳豈寺所有耶

燈傳三世火

三世未來今也謂燈長明

樹老五

株松

始皇避雨五松下封為五太夫此以比蕭帝曾遊

無數煙霞色空聞音臥龍

已前共三十四首

秋夜同梁鍾文宴

錢起

客到衡門下

詩注衡門橫木為門

盃香蕙草時好風能自至明

月不須期秋水翻荷影

謂荷葉倒映水中惟見葉背故曰翻

清霜脆柳

枝微官是何物詩可廢吟詩增註

蕙草南騷注引本草云蕙董草麻葉

方莖赤華黑實即秦陵香也

望秦川增註

秦川即唐京兆府長安地

李頎

秦川朝望迥

三秦記長安正南秦嶺限水流為秦川

日出正東峰遠近山

河淨逶迤城闕重秋聲萬戶外

史記渭川千畝外其人與方戶候等寒

色五陵松客有歸歎嘆

孔子曰歸歎歸歎

淒其霜露濃增註

逶迤曲折貌○五陵高帝長陵惠帝安陵景帝陽陵武帝茂陵昭帝平陵西都賦北眺五陵

池上

白居易

娟娟涼風動淒淒寒露零蘭衰華始白荷破葉猶青

獨立棲沙鶴雙飛照水螢若為寥落境仍值酒初醒

西陵夜居增註

西陵在越州蕭山縣西與越王錢鏐改名西與吳融越人

吳融

寒潮落遠汀，曠色入柴扉。漏永沉沉靜，燈孤的的青。
林風移宿鳥，池雨定流螢。盡夕成愁絕，啼螿莫近庭。

增註 漏成周以百刻，分晝夜。漢哀帝改百二十刻，梁武帝改二百八十刻，增減疎繆，自唐至今百刻。一遵古制。○啼螿，蟬屬。

旅游傷春

李昌符

酒醒鄉關遠，迢迢聽漏終。曙分林影外，春盡雨聲中。
鳥倦江村路，華殘野岸風。十年成底事，羸馬厭西東。

增註 底事，杜詩華飛有底事。急注謂有甚底事也。

春山

僧貫休

重疊太古色，濛濛華雨時。好山行恐盡，流水語相隨。

黑壤生紅朮，黃薇領白兒。因思石橋日，石橋在天台縣百五十里曾

與道人期增註

黑壤，禹貢兗州厥土黑壤。又灌川府棗州黑壤。山其壤皆黑。○朮，按本草止，爾雅白，一種不言紅朮。

已前共六首

送懷州吳別駕增註

唐河北道懷州，河內郡，古與州。潭懷地今屬河東南路。○

通典曰：從刺史行部別乘一乘傳車，故謂之參。別駕，隋改長史，司馬唐沿中，今摠管有之。

灞上柳枝黃

古人折柳送別，七仁菴開元遺事。日長安東灞陵有橋於此送別。

壘頭酒正

香

司馬相如使文君當壚。春流飲去馬，暮雨濕行裝。驛路通函谷。

函谷關有函，自陝州至靈寶縣南十里，秦函谷也。自靈寶三百里至河南府新安縣東一里，漢函谷也。武帝為楊僕移於此。

州城接太行

太行山起懷州河內縣北，至函州凡且于州有八徑，一在縣界。

單懷人總喜

書單懷底績

別駕得王祥

晉呂虔有佩刀，相者以為必登三公。虔語別駕王祥曰：卿有公輔之量，以

與增註

坊謂累土以居，酒甕四設，隆起其形，如懷境。故名。○行裝，漢曹參為齊王相及聞承相蕭何遺書。

舍人曰趣游行裝五日且入
相置懷禹貢注近河地名

高宮谷贈鄭鄩

谷口來相訪鄭子真隱谷口此借以比鄭鄩空齋不見君
澗華燃暮雨

澗樹暖春雲門徑稀人迹簷峰下鹿群衣裳與枕席

山靄碧氛氲孟子若火之始然杜詩山靄華欲燃

山居即事

王維

寂寞掩柴扉蒼苔對夕暉鶴巢松樹遍人訪華門稀

杜預曰華門柴門也綠竹含新粉紅蓮落故衣渡頭燈火起處

處採菱歸

題薦福寺衡岳禪師房增註

饒州有薦福寺又傳灯錄京兆大薦福寺

南岳衡山在衡州衡山縣西位直南宮曰南岳

韓翃

春城乞食還高論此中閑僧臘塔前樹禪心江上山

疎簾看雪捲深戶映華關晚送門人去鍾聲杳靄間

增註善目見論梵語分衛此乞食金剛經注乞食有數種一使一則與施食者種福破其慳吝心一則示龍忍辱令不殖貨產

送史澤之長沙

司空曙

謝朓懷西府齊書曰謝朓為齊王文孝在荆州單車觸火

雲漢張綱為廣陵刺史單車之職野蕉依戍客長沙多蕉可為和劉三言史長

江廟伶映湘君博物志洞庭山帝一女居之涕下揮袂伶盡夢渚巴山斷長

沙楚路分一盃從別後風月不相聞增註謝朓字玄暉宋人居

太平州城東青山○單車古者傳言若今之驛其後又單車置馬謂之驛騎○杜詩水雲揮汗日○夢渚即雲夢澤在岳州水經

云雲在江之南夢在江之北雲極思夢稍高
於雲故曰渚唐岳州本巴州又巴州在荊州

送裴侍御歸上都

增註周御史掌書其治以其在殿柱之間亦謂之柱下史秦

改侍御史漢侍御史受公卿奏事舉劾按章唐有臺院殿院察院等御史今御史位中丞下○唐京都初日京城

肅宗元年
且上都

張謂

楚地勞行役秦城罷鼓鼙舟移洞庭岸路入武陵溪

江月隨人影山華趨馬蹄離魂將別夢先爾到關西

增註

秦城指長安秦累世都之西漢及唐並都此○驛騎上鼓此詩所謂罷鼓鼙以張謂之時攷之當是肅宗收復京師之後○長沙志洞庭在岳州巴陵縣西○武陵溪在武陵縣西亦名德勝泉唐屬朗州武陵郡○關西關中及陝華以西

過蕭關

張翥

得出蕭關北

輿地廣記涇州青原縣乃武州舊治蕭關縣其地即漢朝那縣在原州西一百八十里龍朔中

又於百草軍城置蕭關今懷德軍也

儒衣不稱身隴狐來試客沙鷗下欺

入曉戍殘烽火

唐六典曰鎮戍烽火密相去二十里

晴原起獵鹿邊茂莫

相忘非是霍家親

霍去病為驃姚將軍匈奴畏之

秋夜宿僧院

劉得仁

禪寂無塵地焚香話所歸樹搖幽鳥夢螢入定僧衣

破月斜天生島河下露微翻令嫌白日動即與心違

傳灯錄六祖曰禪性無住南住禪寂○玄策問曹聖禪師曰汝入定有心邪無心邪陸曰不見有無之心策曰即是常定矣

宿宣義池亭

暮色遶河亭

柯亭在山陰縣

南山出竹青夜深斜舫月風定

一池星島嶼無人迹菰蒲有鶴翎此中休便得何必

泛滄溟

言何必如夫
子泛海也

送殷堯藩遊山南

姚合

詩境西南遠秋聲晝夜聒人家連水影驛路在山峰
溪靜雲生石天晴雪覆松我為公府繫不得此相從

題李疑幽居增註

諸本校正疑
字並作款

賈島

閑居少隣並草徑入荒園鳥宿池中樹僧敲月下門

過橋分野色移石動雲根

張協詩雲根臨八極注日五岳
之雲觸石出則石有雲之根也

暫去還來此幽期不負言增註

杜詩井邑聚雲根○劉
禹錫嘉話云島初赴舉

於驪山得句云鳥宿池邊樹僧敲月下門始欲着推字又欲着
敲字煉之未定於驪山吟哦引手作推敲勢時韓愈吏部權京
兆車騎初出島不覺衝至第一節左右擁至島具對所得
句云云韓止馬良久謂日作敲字佳矣遂並密而

金山寺

在鎮江府大江中圖經云裴
頭陀開山得金故號金山

張祐

一宿金山寺微茫水國分僧歸夜船月龍出曉堂雲
樹影中流見鐘聲兩岸聞因悲在城市終日醉醺醺

商山早行

商谷山在商
州四節隱處

溫庭筠

晨起動征鐸

鐸征車
上鈴也

客行悲故鄉雞聲茅店月人迹

板橋霜樹葉落山路

許渾云木樹生於他樹槎
枿池沼多有謂之水松

枞華明驛

墻因思杜陵夢鷓鴣滿回塘

杜陵在万年縣漢
宜以杜東原為陵

增註

秋日送方千遊上元

上元縣在
建康府

曹松

天高淮泗白料子趣脩程汲水疑山動揚帆覺是行
雲離京口樹雁入石頭城後夜分遙念諸峰霧露生

淮泗漢志泗水出濟陰乘氏縣至臨淮睢陵縣入淮○京
口屬潤州圖經云甘城因山為壘○淮高曰京故謂京口

寄陸睦州陸名胙棠嘗為其從事**增註**睦州春秋屬越秦

境漢隸吳及丹陽郡晉新安郡隋唐睦州新安郡屬江南道宋建德軍今屬浙西道**許棠**

下國多高趣終年半是吟
汝潮通越分說文朝日**部**

伍雜綠音曉郭雲藏市春山鳥護林東遊雖未遂日

日至中心**增註**漢紀注大將軍登有五部周禮五

已前共二十五首

與崔員外秋直禁中直宿**增註**隋尚書二十四司各置

外後置郎員外自此始唐尚書諸曹各置惟吏部一人今六部各置員外**王維**

建禮高秋夜蔡質漢官典職曰尚書郎晝夜更直五日於建禮門外**承明候曉過**

承明廡在石渠閣右**九門寒泐微**楚詞注曰天門九重**萬井曙鍾多月迥藏**

珠玉雲銷出絳河更慚衰朽質南陌共鳴珂通典曰鳴珂可作馬

送東川李使君增註****東川潼川府郡名蜀先主梓潼郡隋改梓州唐梓州梓潼郡屬

緱南道今屬潼川府路史君即刺史

萬樹參天千山鬱蒼鷲山中一夜雨樹杪百重泉

漢女輸賓布李周翰曰漢女蜀之美女漢書曰口秦置黔中郡漢興今人人輸布一疋小口一丈是謂賓布十六國春秋常據志

巴人說芋田海內圖經曰伏羲後生巴人蜀都賦曰瓜

文翁翻教授不敢倚先賢漢文翁為蜀太守選郡吏

增註詩漢有游女注漢水出武都沮縣○方輿攷覽此詩

載潼川府後宮作潼東川產種即關之木綿
寶復宗切種音同○巴人見前晚發正溪註

送楊長史赴果州

今順慶府增註長史今治中

褒斜不容憶

劉良曰憶車細也

之子去何之鳥道二千里

商中

八志曰鳥道四百里以其險絕歌猶無蹊特上有飛鳥之道耳

猿聲十二時官橋祭酒客

山木女郎祠

漢法上客曰祭酒果州全華山中有一觀乃神女謝自然祠

別後同明月君

應聽子規增註

褒斜各名南曰斜在興元府由秦鳳路北日褒在利州出長安路相去二百餘里○

宜郡由川記巴東一峽猿鳴悲猿鳴三声浹汝衣○漢書祭酒皆以位之元長古者賓客得至人饌則老者一人舉酒以祭祝故以為為祿○女郎古者婦女通稱如馬明先生謂與女郎遊安息西海及古樂府不蘭是女郎之類是也

赴京途中遇雪

孟浩然

迢迢秦京道蒼茫歲暮天窮陰連朔朔積雪遍山川

落鴈迷沙渚飢鳥噪野田客愁空佇立不見有人煙

早行

郭良

早行星尚在數里未天明不辨雲林色空聞流水聲
月從山上落河入手間橫漸至重門外依稀見洛城

宿荆溪館呈丘義興

常州義興今宜興縣增註太宗舊詩改義日

在唐高州義興縣其縣宰姓丘也

嚴維

失路前溪上

荆溪在宜興南二十里

依仁忽暝投長橋今夜月

陽羨古時州野燒明山郭寒更出縣樓先生能解我

何事五湖遊增註

陽羨屬義興與地志吳越間謂荆為楚秦以吳楚改為陽羨○劉向列仙傳范蠡字少伯徐人為越大夫佐越主勾踐滅吳及至五湖時日君王勉之臣不獲入越國云云乃乘舟泛五湖不返

王勉之臣不獲入越國云云乃乘舟泛五湖不返

漂母墓增註

在淮安軍淮陰縣北唐居風楚

劉長卿

昔賢懷一飯

韓信貧漂母飯之信後為楚王賜母千金

茲事已千秋古墓煇

人識

東西家在淮陰縣北八里莊東家韓信母墓西家漂母墓

前朝楚水流諸嶺行客

薦山木杜鵑愁春草年年綠王孫舊此遊

芳草王孫見前注

母世信

增註

左傳積穀繫編墓之菜可薦於鬼神薦薄祭也

湖中閑夜

朱慶餘

釣艇同琴酒良宵背水濱風波不起處星月滿隨身
浦迥湘雲卷林香嶽氣春誰知此中興愛羨五湖人

已前共八首

○四虛

周飛曰謂中四句皆情思而虛也不以虛為虛

增註

元和已後用此体者骨格雖存氣象頓殊向後則偏於枯澁流於輕俗不足採矣

陸渾山莊

河南府伊陽縣即漢陸渾縣

增註

春秋陸渾戎徒洛山因名

宋之問

歸來物外情負杖閑嚴耕源水看華人幽林採藥行
野人相問姓山鳥自呼名去去獨吾樂無能愧此生

增註

莊子南伯子葵言曰吾守道七日而後能外物○鄭子真躬耕岩石之下名震京師○詩話摠龜云宋之問詩山鳥

自呼名又鳥不知名聲自呼蓋古今注南凡有鳥名應自呼其名此詩作於洛地如子規呼謝豹亦自呼其名恐不必拘說

新年作

鄉心新歲切天畔獨潸然老至居人下春歸在客先
嶺猿同旦暮江柳共風煙已似長沙傳

賈誼謫長沙王太傅

從今又幾年

之問得罪累宗配徙欽州

增註

詩譜出漢注漢流流貌○老居人下崔寔四民月

今元白進椒酒次第從少至老八層錄其遺
意也以初者得歲先以賀之若若失歲故後飲

喜鮑禪師自龍山至九域志太平州有龍山桓溫遊其上劉長卿

故居何日下春草欲芊芊猶對山中月誰聽石上泉

猿聲知後夜初夜中華發見流年林錫閑來往無心

到處禪壇華華草盛貌○佛告比丘曰汝等應受持錫杖劉長卿

酬秦系華華草盛貌○佛告比丘曰汝等應受持錫杖劉長卿

鶴書猶未至蕭子良古今傳隸文體曰鶴頭書與那出自雲

來自注云秦系須以家事獲舊路經年別寒潮每日回家

空歸海嶼人老發江梅最憶門前柳閑居手自我增

註北山移文鶴書是隴○陶弘景辭官入羅梁武帝問曰山中何所有答曰隴上多白雲只可自怡悅不堪持贈君

送朱放賊退後往山陰朱放襄陽人字長通增註山陰越州郡名如皇

移會稽郡於會稽一本往作歸是也之北故曰山陰

越中初罷戰江上送歸橈南渡無來客西陵自落潮

西陵自前空城垂故柳舊業廢春苗閭里稀相見鴛鴦

共寂寥

尋南溪常道人隱居

一路經行處莓苔見履痕白雲依靜室月草閉閑門

過雨看松色隨山到水源溪華與禪意相對亦忘言

題元錄事所居增註後漢有郡士錄事官晉書為錄事

司錄事參軍唐錄事開元改今各路錄事司有錄事

幽居羅薛情高卧紀綱行

送蘇事詩多稱紀綱者蓋高班歷四州刺史嘗謂蘇事任沮曰

于紀綱一州能効刺史乎唐錄事亦以紀綱為職故六帖曰錄事各稱所鳥散秋鷹下人閑春草

生貝嵐歸野寺收印出山城今日新安郡因君水更

清增註

杜工部送韋錄事詩操持紀綱地注紀綱錄事參軍也

寄靈一上人增註

般若經佛言若坐一人心行阿耨菩提心不散亂是名上人

高僧本姓

生法師姓

開士舊名林

佛經有開士去土支遁字道林

春山裏千峰不可尋新年芳草遍終日白雲深欲狗

微官去懸知訝此心

已前共八首

除夜宿石頭驛

在洪州

戴叔倫

旅館誰相問寒灯獨可親一年將盡夜萬里未歸人

又逢春

寥落悲前事支離笑此身

莊子有支離疏

愁顏與衰鬢明日

汝南別董校書

汝南今

增註

唐蔡州汝南郡屬河南道吉州來國周武王封

弟叔度於蔡在淮汝間今屬中京小陸○校書漢有藏書之室使文學之士讎校其中故有其職已後往往以校書官與校至後魏始置秘書省校書即今秘書監校書印

擾擾倦行役相逢陳蔡間如何百年內不見一人閑對酒借餘景問程愁亂山秋風萬里道又出穆陵關

表海圖穆陵關在淄州兩山間所謂南王字穆陵者也

增註

陳卽古陳國為姓周武王所封胡公滿死丘之地與蔡州鄰

江上別張勸

年年五湖上厭見五湖春長醉非關酒多愁不為貧

山川迷道路，伊洛暗風塵。伊水洛水在河南府。今日扁舟別，俱

為滄海人。杜詩注：在戈謂之風塵。言風動塵起也。伊洛風塵，指安祿山史思明反，陷東都也。

送丘為洛第歸江東唐書丘為，蘇州嘉興人，事繼母孝。增註 王維

憐君不得意，况復柳條春。為客黃金盡，還家白髮新。

五湖三畝宅，為其郡人。萬里一歸人。知爾一作知爾，謂不能

薦羞稱獻納，臣增註。武后置銅匭，受司馬告事之書。置匭，置匭使。宗政獻使按王維嘗歷尚書右丞，實納言官。

岳州逢司空曙 李端

共有髫年故，劉良云：髫，總髮。相逢萬里餘。新春兩行淚，故國

一封書。本集題云逢司空曙，得家書。夏口帆初落，夏口，鄂州。涇陽鴈正踈。

唯應執盃酒，暫食漢江魚。漢陽老百，舊傳漢水中鱸魚甚美。

增註 言漢陽屬澧州。漢江屬鄂州。

洛陽早春增註 唐洛陽屬河南道河南府。漢魏都洛，今屬中京路金昌府。顧况

何地避春愁，終年憶舊遊。一家千里外，百舌五更頭。

客路偏逢雨，鄉山不入樓。故園桃李月，伊水向東流。

增註 百舌，江東謂之信鳥，春轉夏止。顧况家訓：漢以來，謂甲夜乙夜丙夜丁夜戊夜為五更。更，歷也。經也。言自冬至夏，經歷五時。

送陸羽增註 陸羽字鴻漸，一名疾字季疵，復州竟陵人。舊傳竟陵龍蓋寺僧，初見靈應，覆鉢

皇甫曾 兒於下，僧史種師得而育之，欲為弟子，稍長，自筮遇蹇，之漸，遂曰鴻漸。千陸羽可用為儀，乃姓陸。名羽字鴻漸，有文學，詔拜太子文學。從大常寺大祝不就。

千峰待逋客，北山移文曰：逋客。香茗復叢生。羽嗜茶，有茶山在顧渚，嘗著茶經。

採摘知深處，煙霞羨獨行。幽期山寺遠，野飯石泉清。

寂寂然燈夜相思磬一聲增註

維摩經云一燈然燈三千大千世界

贈喬尊師

張鴻

長忌時人識有家雲澗深性惟耽嗜酒食不破除琴

靜鼓三通齒

西陽雜俎曰學道須鳴天鼓以召鬼神左齒相扣為天鍾右齒相扣為天磬中央上下相扣為天鼓

頻湯一味參

本草人參上上品食之長生

知師最知我相引坐櫻陰增

黃庭經叩齒謂鳴法鼓一叩為一通吞日氣法法出四九通吞月氣法月入叩十通○櫻又成切河旁赤莖小楊也

客中

干武陵

楚人歌竹枝游子淚沾衣異國久為客寒宵頻夢歸

一封書未返千樹葉皆飛南過洞庭水更應消息稀

增註

竹枝歌蜀州男女血歌之味人亦善曹巴渝遺音本楚聲幽愁惻怛之旨也

長安春日增註

西都賦注秦地跨梁雍二州漢興立都稱長安者言可安子孫也唐亦都

長安屬關內道京兆府今屬陝西東路

曹松

浩浩看華晨六街揚遠塵塵中一丈日誰是晏眠人

御柳垂著水野鶯啼破春徒云多失意猶自惜離秦

已前共十首

題破山寺後院

在常熟

增註

蘇州黃梅有破頭山五祖六祖傳衣處

常建

清晨入古寺初日照高林曲徑通幽處禪房華木深

山光悅鳥性潭影空人心萬籟此俱寂惟聞鐘磬音

增註

萬籟莊子子游曰地籟則衆竅是已人籟則此小題已敢問不籟子恭曰夫吹萬不同而使其自託地

暮過山村

賈島

數里間寒水山家少四鄰怪禽啼曠野落日恐行人

初月未終夕邊烽不過秦蕭條桑柘外煙火漸相親

山中道士增註

道經云人行大道號道士身
心願理從道為事故雁道士

頭髮梳千下

陶弘景真誥曰清虛真人
云禪頭理髮欲得過多

休糧帶瘦容養

雛成大鶴種子作高松白石通宵煮

真誥曰斷谷入
山當煮白石

白石子以
石為糧寒泉盡日春不曾離隱處那得世人逢

贈山中日南僧增註

漢書日南注言在日
之南唐驩州有日南郡

張籍

獨向雙峰老

雙峯李九
福山

松門閉兩涯翻經上蕉葉掛衲

落藤華

謂看經之久久而蕉葉長掛衲不出
山而藤華落皆形容其久居山中

磬石新開井穿

林自種茶時逢海南客蠻語問誰家

九真日南皆屬交
州郡故曰蠻語

溫謂郝隆曰郝
隆得作蠻語

增註

高適詩尋經刺欲翻注翻譯也
僧以百家壞帛合成一衣日衲

田家

章孝標

田家無五行水阜上蛙聲半犢乘春放兒孫候暇耕

池塘煙未歇桑柘雨初晴歲晚香醪熟村村自送迎

秦原早望

一禾鄉書薦

謂鄉貢也周禮鄉大夫
郡史獻賢能之書于王

長安未得回年光

逐渭水春色上秦臺

輿地廣記天興縣
鳳臺秦穆公所築

燕掠平蕪去人

衝細雨來東風生故里又過幾華閨

已前共六首

○前虛後實

周強曰前虛後實而實實則氣發
雄健虛則態度諧婉輕前重後則量適均無空

塞輕俗之患太中以後多此体至六三三唐詩者尚之
然終未及前兩聯渾厚故以其法居二蓋終有不獨也

雲陽館與韓外卿宿別雲陽縣在京北司空曙

故人江海別幾度隔山川乍見翻疑夢相悲各問年

孤燈寒照雨添竹暗浮煙更有明朝恨離盃惜共傳

酬暢當 耿漳

同游漆沮後輿地廣記曰漆沮水一惟雍州富平縣石川河乃禹貢漆沮已是十年餘

幾度曾相夢何時定得書月高城影盡霜重柳條疎

且對樽前酒千般想未如

寄友人 張蠙

世道復何如東西遠索居檀弓註索猶散也長疑即見面翻

致久無書旬麥深藏雉淮苔淺露魚相思不我會明

月幾盈虛增註月盈虛禮記二十五而盈二十五而缺日月月則同度對則對度月借日之明故望夜月明日滅

送喻坦之歸睦州增註李頎睦州人故此詩有歸路不相隨之句

李頎



歸心常共知歸路不相隨彼此無依倚東西又別離

山雲含雨潤江樹遶潮欹莫戀漁樵興入生各有為

已前共四首

送李給事歸徐州觀省增註漢書給事中掌左右顧問應對以言

事殿中故名隋於吏部置唐改給事即今有給事中唐徐州屬河南道今屬山東西路

列位登青瑣漢書給事中黃門侍郎日暮入對青瑣門拜還鄉服絲衣烈女傳老

萊子奉親身著五色班闌之衣 甚言晨省日記為人子 便是晝游歸帝日令卿衣錦晝遊

春水經梁宋 晴山入海沂 莫愁東路中宗朝魏元忠右僕射兼中書令請拜掃手勅日衣錦晝遊

遠四壯正駢駢詩四壯 增註唐宋州睢陽郡本梁郡海州東海郡沂州琅邪郡並屬河南道

送漂水唐明府 增註唐屏州江寧郡漂水縣今屬建康 草應物

三為百里宰漢書郎官出宰百里 已過十餘年 祇嘆宦如舊 旋

聞邑屢遷魚鹽濱海利桑柘 傍湖田到此安民俗琴

堂又晏然呂氏春秋志于賤治而父彈琴身不下堂而治

送王錄事赴魏州 增註唐魏州弘農郡屬河南道長河岳祠並屬華陰天

授折置魏之潼津縣在開日故 此詩云云今魏州屬中京路

岑參

早歲即相知 嗟君最後時 青雲仍未達須賈日不意君致躬青雲之上

黑髮欲成絲 小店關門樹函谷關名 長河華嶽祠 弘農民

吏待魏州靈寶縣弘農故地也 莫遣馬行遲

別鄭蟻或作蟻 即上元

暮蟻不可聽 落葉豈堪聞 共是悲秋客 那知此路分

荒城背流水 遠馬入寒雲 陶令門前菊 餘華可贈君

送韓司直 增註職林大理司直後魏置唐掌表制小署曹事惟覆理御史檢校事出使侯

皇甫冉

遊吳還適 越來往任風波 復送王孫去 其如芳草

何見前 山明殘雪在 潮滿夕陽多 季子留遺廟皇

豕墓記季子家在此陵縣
暨陽經至六令吏民祀事

停舟試一過

途中送權曙

皇甫曾

淮海風濤起江關幽思長
同悲鵲送樹曹孟德云月明星稀烏鵲南飛

寒月照霜出來濯纒處漁父愛滄浪楚詞漁父歌曰滄浪之水清兮

可濯劉澄山水記漢陽軍沔口宜以為我纒滄浪水即屈原遇漁父作歌處

增註

醉普選二上人

嚴維

本意宿東林因聽子賤琴通知大小朗傳燈錄惠明禪師號大明振朗

已斷去來心佛經過去未來夜靜溪聲近庭寒

月色深寧知塵外意定後更成吟

送鄭宥入蜀

寧親西涉險君去異王陽漢王陽為益州刺史至九折坂嘆曰奈何奉先人遺跡乘此險

在世誰非客還家即是鄉劍門千轉盡大劍山即劍門也

巴水一支長嘉陵江潼江小劍水皆巴水也請語愁猿道無煩促淚行

增註 利州路劍門關劍門縣唐置關道至臨以其有隘東之路故曰劍門

杭州郡齊南亭增註

杭州春秋初屬越又屬吳屬楚秦漢屬會稽郡陳錢塘郡隋抗

符印懸腰下漢文帝初與郡守為銅虎符竹使符同東山

不得歸謝安初隱東山獨行南北近漸老往還稀進笋侵

窓長驚蟬出樹飛田田池上葉長是使君衣楚詞製芰荷以

為增註 東山在越州上虞縣謝安石樓放遊處後登台轉於建康山
云 增註 遊集擬會葢身之東山亦號東山 選詩雖無田田葉田田葉貌

日東病僧增註 日東即日本 國又名倭國 項斯

雲水絕歸路來時風送船不言身後事猶坐病中禪

深壁藏燈影空窓出艾煙已無鄉土夢起塔寺門前

增註 南史何育王波度後取佛舍利役鬼神 碎七寶末一日一夜造八萬四千塔

送友人下第歸觀 劉得仁

君此卜行日高堂應夢歸 高堂母也 丘遲與陳伯之 書云高堂未傾愛妾尚存 莫

將和氏淚 下和二獻璞王王別其 足和淚後果為國寶 滴著老萊衣 見前 嶽

雨連河細田禽出麥飛到家調膳後吟好送斜暉

南游有感 于武陵

枉陵無厚業不得駐車輪重到曾遊處多非舊主人

東風千里樹西日一洲蘋又渡湘江去湘江水復春

早春寄華下同志 裴說

正是華時節思君寢復興市沽終不醉春夢亦無憑

獄面懸清雨河心走濁水東門一條路離恨正相仍

增註 東門即 青門

途中別孫璐 方干

道路本無限又應何處逢流年莫虛擲華髮不相容

野渡波搖月寒城雨翳鍾此心隨去馬迢迢過重峰

送友及第歸浙東

南行無俗侶秋鴈與寒雲野趣自多愜名香人本集作卿名

共聞吳山中路斷澗水牛江分此地登臨慣攄情送君

春宮

杜荀鶴

早被嬾娟誤西京賦增嬾娟以此欲粧臨鏡憶承恩不

在貌教芙蓉為容風暖鳥聲碎日高華影重年年越

溪女相憶採芙蓉劉良曰芙蓉美華思婦盛年采此自傷也增註越溪即若耶溪王越

州會稽縣東南一名若耶溪西施所居處○漁隱詩話云杜詩三百首惟在「一聯中指此第五第六句

辭崔尚書增註

尚書周為內史秦世少府遺史四人至後漢出納王命敷奏萬機唐史戶禮

刑兵工六部尚書宋因之今以尚書為長李頻

一飯仍難受淹留已半年終期身可報不擬骨空鑄正

鑄骨以城晚風高角江春浪起船曾同棲止地獨去感恩也

塞鴻前

下方

司空圖

三十年來往中間京洛塵倦行人白首歸臥已清晨

坡暖冬生一作箏松涼夏健人更慚微功起避世迹

非真按舊史巢賊亂圖還河中王徽表為副使不增註

論語賢者避世○迹非真如杜淹之隱嵩山徵求利祿所謂仕途之捷徑周顒隱鍾山後應詔為海塩令皆非真也

華下送文洵

郊居謝名利舊史云河北何事最相親漸與論詩人皆

知得句新川明虹照雨樹密鳥衝人應念從今去

還來獄下頻

游東林寺

增註

在江州晉武帝時慧遠法師見廬山變之於山東建此寺

黃滔

平生愛山水下馬虎溪時已到終嫌晚重游預作期

寺寒三伏雨松偃數朝枝翻譯如曾見白蓮開滿地

廬山記謝靈運即東林翻涅槃經日鑿臺檀蓮池中詩意謂見白蓮猶見靈運增註虎溪在江州彭澤縣南惠遠居廬山送客至虎溪虎輒鳴號○陰陽書夏三後第二庚日為初伏第四庚為中伏秋第一庚為末伏○數朝宋齊梁陳隋唐也

已前共二十首

送僧還獄

周賀

辭僧下水柳因聽獄鍾聲遠路獨歸寺幾時重到城
風高寒木落雨絕夜堂清自說深居後鄰州亦不行

送人歸蜀

馬戴

別離楊柳陌迢遞蜀門行若聽清猿後應多白髮生
虹蜺侵棧道

大安軍棧道連空天下至險又利州至二泉橋棧閣共一乃九千二百八十八間護險偏關共四萬七千七百二十四間此詩下句言雨雪不應有虹上雨雪雜江

聲過盡愁人處煙華是錦城

益州記錦城在州南作橋東江南岸增註

虹蜺雄曰虹雌曰蜺即詩之蟠蜺注陰陽之氣交映且而見故朝西而暮東○棧道編竹為閣道也○錦城成都府西城江山明媚錯華如錦故曰錦城

經周處士故居

方干

愁吟與獨行何事不關情久立釣魚處惟聞啼鳥聲
山蔬和雨歇海樹入籬生吾在茲溪上懷君恨不平

送人歸山

石召

相逢惟道在誰不共知貧歸路分殘雨停舟別故人
霜明松嶺曉華暗竹房春亦有棲閑意何年可寄身

送友人歸宜春增註

宜春春秋屬吳戰國屬楚秦
九江郡漢宜春縣晉宜春陽

為袁州唐袁州宜春郡
屬江南道今屬江西道

張喬

落華兼柳絮無處不紛紛遠道空歸去流鶯獨自聞

野橋喧碓水山郭入樓雲故里南陵曲秋期更送君

南陵屬宣州喬初隱九華後寓居長安延興門外詩意
謂我亦思故里况復送君喬居延興門見鄭谷詩集
具伏義制梓白之利後世加以借身踐
碓而利十倍則碓起于竹曰之遺法也

已前共五首

增註
春碓

秋日別王長史

王勃

別路千餘里深恩重百年正悲西候日西候秋也杜
公云西候別君

更動江淹別賦曰訣北梁今承
辭張銑曰北梁分別之地北梁篇野色籠寒霧

山光斂暮煙終知難再奉懷德自潸然

汝墳別業汝墳今
潁州增註汝水名墳水淫也漢汝陰縣
王莽改汝墳唐汝陰屬潁州襄

信屬
蔡州祖詠

失路農為業移家到汝濱獨愁常廢卷多病久離群

鳥雀垂窓柳虹蜺出澗雲筆談曰世傳虹蜺
入溪澗飲水信然山中無外事

事樵唱有時聞

宣州使院別韋應物增註

宣州春秋屬吳後屬越
戰國屬楚秦置彭郡漢

改開陽郡東漢宣城郡隋改宣州宣城
郡屬江南道宋寧國府今屬江東道

劉長卿

白雲飛始願滄海有微波舊爭趨府臨危欲負戈

春歸華殿暗秋傍竹房多耐可機心息本集題云宜州使院夜宴寂上人留別韋使君故詩首有白雲之語及息機之句皆對寂公發也

其如羽檄何魏武帝奏事曰若有急則將羽檄

加於檄謂增註馬按回首往事其自息機杜詩回首風塵之羽檄

送陸潛夫延陵尋增註

唐潤州延陵郡本吳季子米臣

皇甫冉

登山自補屐謝靈運著木杖登山訪友不齋糧坐歇青松晚行吟

白日長人煙隔水見草氣入林香誰作招尋侶清齋

宿紫陽紫陽觀在延陵被劉長卿亦有同季延陵宿紫陽觀候會師草堂詩

夏夜西亭即事

耿緯

高堂賓客散暑夜最相和細汗凝衣集微涼待扇過

風還池色定月晚樹陰多遙想隨行者隨朝隨朝行者珊珊

動曉珂

庭春

姚合

塵中玉印吏誰遺有高情趣趣暖簷前坐尋芳樹底行

土融凝野色冰敗滿池聲漸覺春相近朝來睡不輕

新春

官卑長少事縣僻又無城未曉衝寒起迎春忍病行

樹枝風棹軟菜甲土浮輕最好林間鶴今朝足喜聲

已前共七首

晚春答嚴少尹諸公見過

王維

松菊荒三徑

陶淵明三徑就荒松菊猶存

圖書共五車

莊子曰惠施多方其書五車

莫羨邊上客

有伶到貧家雀乳先春草鶯啼過落

蔡菜也○詩黃髮台背注老人髮白而黃

華自憐黃髮暮一倍惜年華

增註

送王正字山寺讀書增註

正字刊正文字後漢初置秘書監掌文字

考合同異至齊集書省有正

李嘉祐

欲究先儒教還過支道居

支道居通字道林

條塔閑聽法

寺獨看書向日荷新卷迎秋柳半疎風流有佳句不

似帶經鉤

漢倪寬貧無資傭作帶經而鉤

增註

魏志常林性好學漢志與諸生帶經而鉤

秋日過徐氏園林

包佶

字幼正延陵人天寶六年楊護榜進士

回塘分越水

呂延濟曰回塘出限也

古樹積冥煙掃竹催銷席

羅待繫船鳥窺新鐸栗龜上平欲蓮屢入忘歸地長

嗟俗事牽

灞東司馬園

許渾

楚翁秦塞住日事李輕車

本廣弟蔡為輕車都尉

白社貧思橘

京常宿白社中襄陽李衡種橘千樹臨死勅兒曰木奴千頭亦足用矣

青門老種瓜讀書二逕

草

蔣詡於林下開二徑

沾酒一籬華更欲尋芝木商山便

寄家

四皓隱商山採芝

增註

李輕車李蔡常從大將軍衛青擊左賢王為輕車將軍○白社在洪州西接武陵縣龍陽州周回二百里其地因白將軍築圃遂以名社○青門瓜咸陽第二門民見其門色青故名青門史記邵平秦東陵侯布衣種瓜於此故世謂東陵瓜又曰青門瓜阮籍詩昔聞東陵瓜近在青門外○芝瑞草本草有赤白黑青黃等芝○木本草一名

姜一名山連並父服輕身延年不飢○漢東國公緝里季夏黃
公用里先生並河內映人稱為四皓初避秦亂共入商雒深山

下第寓居宗聖寺

寺在崇德坊長安志云進
士樓桃寓在此寺佛閣上

懷王泣京華舊山歸路餘靜依禪客院幽學野人家

林晚鳥爭樹

以喻他人爭聲名者

園春蝶護華

喻已自護其業按唐人下第多不歸寓寺

院隸業以候後舉謂之過夏

東門有閑地誰種邵平瓜

寄山中高逸人

逸人如逸民伯夷叔齊之義

孟賈

煙霞多放曠吟嘯是尋常
猿共摘山果僧隣住石房
躡雲雙屐冷採藥一身香
我憶相逢夜松潭月色涼

增註

唐田遊岩隱箕山高祖幸其門曰先生此佳否否
曰臣泉石骨首烟霞痼疾○俗謂庸常為尋常

廬嶽隱者增註

廬山在南康軍其山九疊

杜荀鶴

見說來居此木嘗離洞門結茅遮雨露採藥給晨昏

許政隱北山採藥讀易漢武三石而不起

占樹藤纏殺春泉鹿過潭悠悠無

一事不似屬乾坤

寄司空圖

僧虛中

逍遙短褐成

窳服曰短褐單衣適至

劒動精靈白晝夢仙島清

晨禮道經黍苗侵野徑桑棋汚閑庭肯要為隣者西

南太華青

太華山在華陰縣南八十里

增註

逍遙翺翔自適貌○短褐杜詩顛倒在短褐○精靈

大戴禮陽氣為精陰氣為靈○仙島蓬萊方丈瀛州○桑棋桑實也

已前共八首

送成州程使君

成州今同慶府

增註 成州古西戎地戰國秦戎居之秦隴西郡

漢武都郡西魏為成州唐成州同谷郡
慶山南道宋同慶府今屬利州西路
岑參

程侯新出守好日發行軍
本集題云鳳翔府行軍送程使君赴成州蓋岑參時為開西州官

竹馬諸童子朝朝待使君
郭伋為并州刺史小兒騎竹馬迎之

漢陽即事增註
漢陽春秋鄆國地戰國屬楚秦屬南郡漢江夏郡晉沔陽縣隋沔州

楚國千里遠孰知方寸違
春游歡有客夕寢賦無衣

江水帶冰綠桃華隨
雨飛九歌有深意損珮乃言歸
屈原見放而作九歌其詞有云捐余袂兮江中

遺余珮
增註
楚國指漢陽○列子吾見子之心矣方寸之地虛矣○詩有客有客亦曰其馬又無衣無褐何以卒歲

今澧浦

蘇劉員外見寄
劉長卿也
嚴維

賴耽佐郡時
神仙傳蘇耽桂陽人以此劉長卿
近出白雲司
唐裴復除刑部侍郎

柳塘春水漫華塢夕陽遲
欲識懷君意朝朝

詞
見別
柳塘春水漫華塢夕陽遲
欲識懷君意朝朝

詞
見別
柳塘春水漫華塢夕陽遲
欲識懷君意朝朝

別至弘上人

最稱弘偃以早歲草茅居
年老從僧律生知解佛書

初衣水壞帛野飯拾春蔬
章句無求斷時中學有餘

增註
惟寬禪師曰無上菩提被於身為律說於口為法行於心為禪○佛書經律論也

送王牧往吉州
增註
吉州春秋屬吳戰國屬楚秦屬

損珮

杜馬

穢

一說
弘偃
長生不卧不香

長沙漢屬豫章東漢屬廬陸郡唐立南道古州廬陸郡今屬江西道

李嘉祐

細草綠汀洲王孫耐薄遊年華初冠帶文彩舊弓裘

莊子曰人之子先學為裘野渡華爭發春塘水亂流史君憐小阮阮

阮籍之姪世謂小阮應念荷門愁戰國策王孫賈之母謂賈曰汝朝出而晚來吾則荷門而望汝

增註戶表禮記良房之子必學為裘為箕良治之子必學為農

送章綬下第

蔡母潛

長安渭橋路秦漢唐居渭凡二橋咸陽縣西十里名便橋者漢武所造咸陽東南二十里中渭橋者始皇所造萬年縣東四十里名行客別時心獻賦溫泉畢開元傳信記曰

東渭橋者不知何所祀玄宗在溫泉宮有劉朝霞獻溫泉賦帝覽而奇之命改五角六張字對曰臣章此賦時有神助不願改上願曰真發薄也

無媒魏闕深鄭司農云魏闕也黃鶯啼就馬白日暗歸林三十

尺步之險以時難得而易失也

名未止君還惜寸陰大禹惜寸陰寸陰淮南子云聖人不貴尺璧而重增註

尺步之險以時難得而易失也

空寂寺憶元上人

錢起

儼然雙樹下涅槃經云世尊於拘那城雙樹間入滅垂淚遠公房燈續生

前火燼深沒後香陰塔明片雲寒竹響空廊寂滅應

為樂塵心徒自傷增註佛經生滅滅已寂滅為樂

送曹椅

司空曙

青春三十餘眾藝盡無如中散詩傳畫晉書顧愷之每重稽中散四言

詩因為將軍扇賣書沈約晉書曰王右軍在會稽嘗見老嫗持扇因書扇但云是王右軍書未百錢

楚田晴下鴈江日暖多魚惆悵空相送歡遊自此疎

送金華王明府

金華 婺州

增註

金華縣在婺州以金星婺女星爭華故名

韓翃

懸舍江雲裏心閑境自偏家資陶令菊月俸沈郎錢

沈約嘗官婺州故曰月俸沈郎錢按晉元帝初過江吳興沈充鑄小錢謂之沈郎錢此豈誤以沈郎為沈東陽邪 黃蘗

香山路青楓暮雨天時聞引車騎外有銅泉

異苑 州五百人湖者吳時軍出破 增註 黃蘗木冬可染黃入藥 香上得銅金發之水使潔出 山在義烏縣界銅泉在金華縣

和張侍郎酌馬尚書

張賈馬 摠也

韓愈

來朝當路日承詔改轍時

左傳改乘轍而北 出領須句 須句城在鄆州須城縣西北即地土心所謂句城在壽昌西北

國 須句城在鄆州須城縣西北即地土心所謂句城在壽昌西北 者也國名記曰京相璠云須句一國二城兩名者誤也蓋句城為須句故地而須城者乃秦所置須 竹兼少吳司 時摠加刑 員在須句城北後唐以諱改曰須城爾

暖風吹宿麥清雨捲歸旗賴寄新珠玉長吟慰我思

增註 孟子夫子當路於齊 少昊秩官掌刑 珠玉 江淹語郭景華曰子之咳唾成珠玉非祿也此也

送董卿赴台州增註

唐江南道台州臨海郡春秋時 屬越 秦屬閩中郡漢屬東甌 國梁改赤城郡隋屬永嘉 郡宋台州今屬浙東道 張蠟

九陌除書出

黃圖曰長安城中九陌八街 尋僧問海城家從中路挈

吏隔數州迎夜蚌侵燈影春禽雜檀聲開圖知異迹

思想石橋行增註 除書拜官日除如淳曰凡官除者除故官受新官也 蚌蛤屬

已前共十一首

過香積寺增註 長安京西及潼川府併永康軍 青城縣梓州涪城縣惠州博羅

縣並有香積寺 佛書香積如來以香積鉢 盛滿香飲與化菩薩悉飽眾香寺取此為名 王維

不知香積寺香積寺在子牛谷正北微西郭子儀收長安時傳于寺此寺在豐水之東交水之西也數里入雲峰古路無人迹深山何處鍾泉聲咽危石日色冷青松薄暮空潭曲安禪制毒龍

送友人尉蜀中增註

漢縣尉主捕盜隋改為正後復置縣又分為戶曹法曹見唐

赤縣尉六員宋每縣十員今尉在王簿下

徐晶

故友漢中尉請為西蜀吟人家多種橘蜀都賦曰

園風土愛彈琴可馬相如蜀人好彈琴水向昆明瀾臣瓚曰

南夷昆明有滇池異物志曰滇池在建寧界水勝二百餘里漢武嘗於長安鑿池效之

山通大夏深張騫嘗使大夏在蜀漢西南即中天竺也以天地之中故曰大夏漢地偏東不正故曰東夏

事時寄一登臨增註唐興元府漢中郡本梁州漢川郡唐叙南道雋州越雋郡有昆明縣隴右

道河州有大夏縣

與諸子登峴山

峴山去襄陽十里

孟浩然

人事有代謝高誘曰代更謝叙也往來成古今江山留勝迹我

輩復登臨水落魚梁淺天寒夢澤深羊公碑尚在讀

罷一沾襟管羊祜有惠於襄陽百姓增註魚梁磯石積石

為聚魚之區也杜詩欲作魚梁雲覆湍○夢澤即雲夢澤○羊祜字叔子大山南城人百姓為建碑於峴山望者皆隨淚杜預名碑

寄邢逸人

鄭常

羨君無外事日與世情違地僻人難到溪深鳥自飛

儒衣荷葉老野飯藥苗肥若問潮邊意而今憶共歸

吳明徹故壘明徹嘗為陳將壽陽之勝遂擒王琳有故壘在焉劉長卿

古臺搖落後本集題云秋自登吳公臺上寺乃明徹戰場秋日望御心古寺

人來少雲峰隔水深夕陽依舊壘寒聲滿空林惆悵

南朝事長江獨至今

送樊兵曹謁潭州守大夫潭州今屬湖南道○古者天子增註

三公九卿二十七大夫唐有諫議及御史等大夫又文散官有光祿金紫光祿銀青光祿王以通設中太中中散朝設朝請朝散等大夫李嘉祐

塞鴻歸欲盡北客始辭秦桂雖逢外寒陵漢書注滿湖少

見入江華鋪淺水山木暗殘春修刺轅門裏漢書注曰古未有紙削於木書於名曰刺多憐爾為親秦忍指長安殺梁子置廟以為轅門增註

又唐秦川屬

隴北道○秦桂零陵屬永州桂陽屬郴州○轅門凡軍行以車為陳轅相向為轅謂之轅門

西郊蘭若邑外曰郊○蘭若釋氏要覽於言阿蘭若唐言無淨因以名寺又曰寺之增註

按名若爾者切羊士諤

雲天宜北戶塔廟似西友林下僧無事江清日正長

石泉盈掬冷山實滿枝香寂寞傳心印無言亦已忘

增註西方指西域佛國也達磨祖師云內傳心印以契之澄心○文殊云無有文字語言語是直入不二法門

送普門上人皇甫冉

華宮難久別道者憶千燈殘雪入林路深山歸寺僧

日光依嫩草泉響滴春水何用求方便看心是一乘

法華經曰惟上佛乘增註惠海禪師謂律師法師禪師二一學雖殊得意忘言一乘何異

送耿處士

賈島

一甌離別酒未盡即言行萬水千山路孤舟幾日程
川原秋色盡蘆葦晚風鳴迢遞不歸客人傳虛隱名

春喜友人至山舍

俗本題作晚春送人
歸觀者非今從本集

周賀

鳥鳴春日晚喜見竹門開路自高岩出人騎瘦馬來
折華林影動移石澗聲回更欲留深語重城暮色催

龍翔喜胡權訪宿

龍翔寺志在魏州按本集龍翔寺夜
懷張渭風詩云河風吹鷺迥帝南滿

桐疎皆
弘農

喻鳧

林棲無異歡

鹿岑日旦夕即還
故林單棲一枝

煮茗就華欄雀啄北窓

晚僧開西閣寒衝橋水急扣月鍾殘明發還分

手

詩明發
不寐

徒悲行路難

秋晚郊居

任蕃

遠聲霜後樹秋色水邊村野徑無來客寒風自動門

海山藏日影江石落潮痕惆悵高飛晚

阜茂日寧能
高懷遠舉

在入
間耶年年別故園

友人南遊不還

于武陵

相思春樹綠千里各依依鄆杜月頻滿

漢扶風有鄆
縣杜陽縣西

都賦鄆杜
濱其足

蕭湘人未歸桂華風半落煙草蝶雙飛一別

無消息水南蹤

一作
迹稀

夜泊淮陰增註

唐楚州淮陰郡屬淮南道本東楚
州春秋時屬吳又屬越戰國屬楚

秦屬九江漢屬臨淮及廣陵魏山陽郡宋淮安軍今屬淮東道

項斯

夜入楚家煙煙中人未眠望來淮岸盡坐到酒樓前
燈影半臨水箏聲多在船乘流何東去別此處經年

秋夜宿淮口

屬揚州

景池

露白草猶青淮舟倚岸停風帆幾處客天地兩河星
樹靜禽眠草沙寒鹿過汀明朝誰結伴直去泛滄溟

村行

姚揆

天淡雨初晴遊人恨不勝亂山啼蜀魄孤棹宿巴陵

巴陵岳州影暗村橋柳光寒水寺燈罷吟思故國忽外有

漁曾

題甘露寺

曹松

香門接巨壘畫角聞清鐘北固一何峭西僧多此逢
天垂無際海雲白夕晴峰日暮然燈外潮頭振蟄龍

巨壘指石頭城

已前共十七首

○前賢後虛

周勃曰謂前聯景而實後聯情而虛前重後輕多流於弱唐人此孰最少必得妙句不可易乃就其格蓋發興盡則難於繼後聯稍潤以實其婉乎

秋夜獨坐

王維

獨坐悲雙鬢空堂欲一更雨中山菓落燈下草蟲鳴
白髮終難變黃金不可成

劉向父治淮南獄得枕中鴻寶寶術獻之言是黃金可成上令典上方鑄作不驗下吏欲知除老病惟有覺無生增

註 佛經生老病死○達磨曰見性成佛者明其類了無生也

秋夜汎舟

劉方平

林塘夜汎舟，蟲響秋颼颼。萬影皆因月，千聲各爲秋。歲華空復晚，鄉思不堪愁。西北浮雲外，伊川何處流。

春日卧病書懷

劉商

楚客經年病，孤舟人事稀。晚晴江柳變，春暮一春寒。鴻歸今日方知命，前年自覺非。不能長歲計，無限故

山薇伯夷叔齊隱首陽山採薇而食增註論語五十而知天命○蘧伯玉五十歲知四十九年之非○薇蕨菜也

林館避暑

羊士諤

池島清陰裏，無人泛酒船。山蝸金奏響左傳金奏作於下注日擊

鐘也 華露水精圃山海經堂庭之山多水注日水精也 靜勝朝還暮老子靜勝

熱 幽觀日已玄客觀楊雄玄尚白借，用言白髮再玄也 家山正如此，何不

賦歸田張衡作歸田賦 增註蝸小蟬詩五月鳴蟬注蟬也

柏枋寺懷舊僧

司空圖

雲根禪客居雲根石也 皆說舊吾廬。松日明金像，苔龜響

木魚龜石發穴是也如天水圖經所謂香積寺佛龕刻石是也言木魚之聲應龜虛而響 依棲應不

阻名利本來疎。縱有人相問，林間懶折書。增註金像後漢明帝

夢金人丈八飛至殿庭傳殺對日臣聞西域有佛陛下所見無是乎○龜浮圖塔一曰塔下室

早春

傷懷仍客處，病眼却華朝。草嫩侵沙短，水輕着雨流。

風光知可愛，客鬢不相饒。早晚丹丘伴，飛書肯見招。

增註 漢李夫人病起見桃華盛開日不分桃李華如錦慨大病其武帝去其華○楚詞仍羽化於丹丘注丹丘畫夜常明之處

江行

地闊分吳塞，楓高映楚天。曲塘春盡雨，方響夜深船。

舊唐書方響以鐵為之長九寸廣二寸行紀添新夢行紀者塗中所紀羈愁暮

年何時京洛路，馬上見人煙。**增註** 杜詩京洛雲山外注言長安與洛陽

春日

李咸用

浩蕩東風裏，徘徊無所親。危城三面水，古木一邊春。

衰世難行道，華時不稱貧。滔滔天下者，何處問通津。

子路問津，桀溺曰：滔滔者天下皆是。

雲居長老

王貞白

巖路躡雲上，說文巖山在也來參出世僧。松欹半巖雪，竹覆

一溪水。不說有為法，非傳無盡燈。了然方寸內，應祇

見南能。南能大監禪師，唐儒用佛語，禪師作詩文者，惟梁肅

事用者多，不可曉以其未嘗留心，於是道而能用其語也。如此篇後四句及皇用典，道者憶于燈者心是，一乘之語皆得理。

增註 上大下小曰巖。金剛經云一切有為法如夢幻泡影。○維摩經云無盡燈者譬如一燈然百千燈。○西人二十八

祖天下散傳其道有禪秀姓李者為北宗惠能姓盧者為南宗至今稱南能北秀者此也惠能即六祖。

送許棠

張喬

離鄉積歲年，歸路遠依然。夜火山頭市，春江樹杪船。

千戈愁鬢改，瘴癘喜身全。何處營甘旨，波濤浸薄田。

增註

坡詩注嶺南人瘴癘所感則髮黃眼碧○記內則由命士以上父子皆異官味爽而朝慈以甘貞

已前共十首

穆陵關北逢人歸漁陽

漁陽今檀州

增註

漢漁陽屬幽州高河

北道薊州漁陽郡分幽州置今屬中都隆

劉長卿

逢君穆陵路匹馬向秦乾

故秦乾縣在今朔州有秦乾河

楚國蒼山古

幽州白日寒城池白戰後蒼舊幾家殘處處逢高遍

歸人掩淚看增註

楚國指穆陵淮南有穆陵西即楚地幽州指漁陽此詩言經崧山之亂

早行寄朱放

戴叔倫

山曉旅人去天高秋氣悲明河川上渡

明河天漢

芳草露

中表此別又千里少年能幾時心知剡溪路剡溪越州聊

且寄前期

陝州河亭陪韋大夫眺望增註

唐河南道陝州本弘農郡今屬

南京路○韋大夫恐是韋執誼蓋禹錫素友之善

劉禹錫

雪霽大陽津

大陽故關即第津也

城池表裏春河流添馬頰

頰馬

河乃九河之一在德州安德縣西南

原色動龍鱗

西都賦原隰龍鱗

萬里思歸客

盃逢故人因高高西望關路正飛塵增註

西都賦注土色

不昭爛如龍鱗○此註所謂西望關路飛塵以言改之當是德宗建中開姚令言朱泚犯京師時也

已前共三首

巴南舟中

岑參

渡口欲黃昏歸人爭渡喧近鐘清野寺遠火點江村

見鴈思鄉信聞猿積淚痕孤舟萬里夜秋月不堪論

宿關西客舍寄嚴許二山人

雲送關西雨王洙曰長安以西謂之關西風傳渭北秋孤燈然夢

寒杵搗鄉愁灘上思嚴子嚴光不拜諫山中憶許由

許由不受天下隱於箕山蒼生今有望謝安隱東山人曰安石不為起當如蒼生何飛詔下

林丘本集題云七月二日在內學見有高道舉微

夜宿龍吼灘思峨嵋隱者俗呼龍瓜增註洞天

眉山在嘉州峨眉縣兩山相對如娥眉

官舍臨江日灘聲已慣聞水煙晴吐月山火夜燒雲

且欲求方士杜預曰方法也法術之士無心戀史君本集題云兼寄暮中諸公

異鄉那可住况復久離群

南亭送鄭侍御還東臺

江亭江一作紅酒壘香白面繡衣郎漢武遣繡衣使砌冷

蟲喧坐簾疎月到床鍾催離興急絃緩醉歌長關樹

應先落隨君滿路霜增註前漢侍御史有綉衣直指出此為循理大獄武帝所制

南溪別業劉良曰別業別居也

結宇依青嶂開軒對翠嶂樹交華兩色溪合水重流

竹徑春來掃蘭樽夜不收逍遙自得意鼓腹醉中游

莊子鼓腹而游

泊舟肝膈

常建

泊舟淮水次霜降夕流清夜久潮侵岸天寒月近城
平沙依鴈宿旅館聽雞鳴鄉國雲霄外誰堪羈旅情

江南旅情

祖詠

楚山不可極歸客自蕭條海色晴看雨江聲夜聽潮
劍留南斗近豐城縣獄有劍其氣常射斗牛書寄北風遙為報空潭
橘無媒寄洛橋

冬日野望

于良史

地際朝陽滿天邊宿霧收風兼殘雪起河帶斷冰流
北關馳心極南圖尚旅遊登臨思不已何處可消憂

增註

漢高祖紀蕭何治未央宮立東闕北闕前殿未央宮雖南向而北上書奏事謁見之徒皆謂北闕是以北闕為正門

莊子鴻化爲鴈搏扶搖羊角而上者九萬里絕雲氣負青天然後圖南

早行

劉海伯

鐘靜人猶寢天高景自涼一星深戍火殘月半橋霜
客老愁城下蟬寒怨路傍青山依舊色死是馬卿鄉

司馬相如字長卿

逢瞞公

周賀

黃病稀相見西城早晚來山空風壞帛香印雨沾灰
坐久鐘聲盡禪餘岳影回却思同宿夜高枕說天台

增註

天台山在台州天台縣上應台皇故名

暮過山寺

賈島

眾岫從寒色精廬向此分流星透疎木走月逆行雲

絕頂人來少高松鶴不群一僧年八十世事未曾聞

懷永樂殷侍御河中府平樂縣古魏國唐分內城置永樂馬戴

石田虞芮接史記注曰石田不可耕也尚書傳虞芮爭田虞于文王入境見其士大夫相讓乃讓所爭以為

種柳白雲陰穴閉神龍門山在

蹤古河中府有禹穴馬戴鶴雀樓所謂海波通禹穴是也河流禹鑿深龍門山在

樵人應滿郭仙鳥幾巢林此會偏相憶冥冥

雪夜吟王微之雪夜酌酒吟左思詩憶戴逵

韋處士山居 許渾

鷗藥去還歸家人半掩扉山風藤子落溪雨豆華

肥寺遠僧來少橋危客過稀不聞砧杵動應解劍空何人

瀑布寺貞上人院 鄭巢

林疎多暮蟬師去宿山煙古壁燈熏盡秋琴雨慢弦

竹間窺遠鶴岩上取寒泉四岳沙房在歸期更幾年

已前共十四首

送龍州樊夷君增註龍州春秋及秦為氏羌之地西漢屬廣漢郡東漢魏

晉北平陰郡西魏立龍州唐劍南道龍州應靈郡今屬利州西路 許棠

曾見邛人說龍州地未深龍州漢廣漢郡三國之江淮也碧溪飛白鳥

紅旆映青林土產惟宜藥主租只貢金禹貢厥貢惟

傳南永平中置南界出金政成閑宴日誰伴使君吟增註唐邛州

屬劍
南道

送人尉黔中增註

黔中古蠻夷地戰國曰巴黔以
西屬楚秦置黔中郡漢改武陵
郡唐黔州屬黔中道宋
紹慶府今屬夔州路

周絲

盤山行幾驛水路復通巴峽漲三川雪園開四季華

公庭飛白鳥官俸請丹砂丹砂出辰州光明山辰溪
舊屬黔中郡隋方立辰州知

尉黔人後高吟採物華增註山崎夾水曰峽○唐以銀
東西及山南西道為三川

道院增註

此官府治所之道院如太平州有
江東道院瑞州有江西道院之類

王周

白日人稀到簾垂道院深雨苔生古壁雪鶴聚寒林

忘慮憑三樂榮啓期常索鼓琴而歌曰天生萬物人為貴吾
得為人一樂也男尊女卑吾為男二樂也人生

有不免稱祿吾年九十五三樂也貧者士之
常死皆人之終吾何憂哉又孟子亦有二樂消閑信五禽華

日吾有術為五禽戲一虎二鹿三猿四誰知是官府煙縷滿

爐沉增註

沉香山天竺單干一國重寶黑色沉水者即是
一木根漸細節沉香葉雜古葉霍香膠重陸

已前共三首

一意

周彌曰唯守格律揣摩聲病詩家之常若將出度
外縱橫放肆外如不整中實應節時又非是次所能也

終南別業

雍錄曰終南山橫亘關中兩面
西起秦隴東徹藍田凡八百里王維

中歲頗好道晚家南山陲

李肇國史補曰王維好佛得
宋之問輞川別業山水絕勝

今清涼寺
是其地

興來每獨往勝事空自知行

一本
作步到水窮

處坐看雲起時偶然值林叟談笑滯還期

晚泊溆陽望爐峰增註

溆陽江州郡名在大
江之北溆水之陽

浩然

掛席幾千里名山都未逢
泊舟潯陽郭始見香爐峰

廬山記曰山東廬山有香爐峯嘗讀遠公傳
水懷塵外蹤東林精舍

近高僧傳劉遺民雷次宗等依遠公於廬山遠於精舍無量壽像前建齋立社期生西方日暮坐聞

鐘鐘元亮就遠公聞鐘有省掛眉而去

茶人

陸龜蒙

天賦識靈草自然鍾野姿
閑來北山下新唐書云龜蒙嗜茶置園顧渚

山似與東風期雨後採芳去
雲間幽路危惟應報春

鳥顧渚山茶記云山有鳥如鴝鵒色蒼正二月作聲春起也二月止春去也採茶人呼為報春鳥得共斯人知

尋陸羽不遇

羽傳云僧史種師見群鴝覆不見於橋下得而育之既育翼之得鴻漸

干陸其羽可用為儀凡氏以陸名羽字鴻漸

僧皎然

移家維帶郭野徑入桑麻
近種籬邊菊秋來未著華
扣門無犬吠欲去問西家
報道山中出歸來每日斜

已前共四首

○起句

周顒日發自兩句平穩者多詩健者有其所見惟兩篇然聲大重後聯難稱後兩篇發句亦佳聲稍輕終篇均停然詩健不及前兩篇遠矣故著此為法使識者自擇焉

軍中醉飲寄沈八劉叟

此詩元載初工部集中

暢當

漚濁愛江濤餘酣漱晚汀
軟莎歌坐穩冷石醉眠醒
野膳隨行帳華陰發從伶
數盃君不見都已遣沉冥

題江陵臨沙驛樓增註

江陵又名荆臺春秋謂郢都秦置南郡兩漢為

江陵三國為荊州唐為江陵府江陵郡屬山南道宋陸師府今屬湖北道 司空曙

江天清更愁風柳入江樓
鴈識楚山晚蟬知秦樹秋
淒涼多獨醉零落半同游
豈復平生意蒼然蘭杜洲

增註 杜若 香草 已前共二首

送耿山人遊湖南 周賀

南行隨越僧舊業一池菱
兩鬢已垂雪五湖歸掛骨
夜濤鳴榔鎖寒葦露船燈
此去更無事却來猶未能

宿巴江 僧栖蟾

江聲五千里瀉碧急於絃
不覺日又夜爭教人少年

一江巫峽月 三峽記曰巫峽在夔州連山 兩岸子規天 隱蔽非亭午夜分不見日月

子規 作稀歸 山影似相伴濃遮到客船

已前共一首 按伯勞分此而不著其說惟此 卷只四首自分而為二者以流兩 首起句太重為一則後兩首起句稍輕終篇 均停為一則具如卷首所評 其意最為明 白以此觀之他 可觸類而知矣

○結句 周弼曰結句以意盡而意後能躍出前事之外前輩 謂如截奔馬予所得獨此四首足見四一字字字不 可放 過也

送陳法師赴上元 皇甫冉

延陵 延陵有五其一在代其一在魏今名延福 延陵縣也一在潤州者太康二年分曲阿延陵鎮置一在常 建 之平陵者古延陵也公羊所謂季札退居延陵者也

業去隨緣翻譯推多學壇場最少年
沈沈送野木 延陵縣也一在潤州者太康二年分曲阿延陵鎮置一在常 建 之平陵者古延陵也公羊所謂季札退居延陵者也

食向人煙通禮南朝寺焚香古像前增註建業即唐

京賦秦老和蒲長距終得壇塲注壇專也喻天下為大塲

送從弟歸河朔增註爾雅釋親兄弟之子相謂從父昆弟○朔北也

嘉祐

故鄉何可到增註令弟獨能歸諸將旌旄節唐百官志節度使初受節日賜

何人重布衣增註空城流水在荒澤舊材稀秋日本

原路平原今德州蠅鳴桑葉飛增註旌表也○旌周禮鞞中

將命者持之以為信

喜晴自注云時在遷台州刺史

李敬方

到台十二旬一片雨中秋林果黃梅盡山青生夏新

陽鳥朝展翅陰魄夜飛輪坐喜無雲物分明見北辰

蓋喜朝廷有清明之漸而已竟可重也增註月令孟夏之日中夏生○天文

之精月餘黑者謂之魄望後生魄○左傳凡分空啓閉必書雲物○北辰即北極天之樞

茅山增註唐書在潤州建陵縣方輿勝覽在金壇縣

華陽人隱華山修道自曰上真茅君之友杜荀鶴

步步入山門仙家鳥徑分漁樵不到處麋鹿自成羣

石面迸出一作流水松頭穿破一作亂雲道人星月下相

次禮茅君神仙傳大茅君名盈天茅一名固小茅名衷號三茅君

已前共四首

詠物周鼎曰隨寓感興而為詩者易驗物切近而為詩者難入近則陋入遠則昧此皆於和身境後之中而情切者也

山中流泉

儲光羲

山中有流水，借問不知名。映地為天色，飛空作雨聲。
轉來深澗滿，分出小池平。恬淡無人見，年年長自清。

冷井

孫欣

仙閣初鑿井，雲液沁成泉。沁，浸漬也。洞冥記：長安東七里有雲山，山頭有井，雲從中出。

色湛青苔裏，寒凝紫綆邊。綆，繩也。銅甃向影落

玉甃抱虛圓。江道井賦：構玉甃之百節。風俗通曰：甃，聚磚修井也。永賴調神像，堯

時奉萬年。通曆曰：堯時老人擊壤於路，曰：鑿井而飲，耕田而食，帝何力於我哉。

僧舍小池

張鼎

引出白雲根，潺潺漲蘚痕。冷光搖砌錫，踈影露枝猿。

淨帶凋霜葉，香通洗藥源。貝多文字古，西天經以貝多葉書。宜

向此中翻。酉陽雜俎：貝多，出摩伽陀西國，其樹長六丈，經冬不凋，又嵩山思惟樹，即貝多也。

聞笛增註

黃帝使伶倫伐竹作笛

戎昱

入夜思歸切，笛聲寒更哀。愁人不願聽，自到枕邊來。

風起寒雲斷，本集題云：夜上受降城聞笛。夜深關月開。平胡獨惆

悵，落盡一庭梅。古曲有落梅華折楊柳非謂吹笛而梅落也。故張正見柳詩云：不分梅華落，還同橫

笛吹李白云：此曲盡樓中吹玉笛，江城五月落梅華。皆謂曲名也。自是以為落盡一庭梅，世遂莫其誤，以為吹笛則梅落矣。

增註 關月樂府橫吹笛有，關山月詞

感秋林

姚倫

試向東林望，方知節候殊。亂聲千葉下，寒影一巢孤。

不礙秋天鴈驚飛夜月烏霜風與春日幾度遺榮枯

杏華

温憲

團雪上晴梢紅明映碧寒后香風起夜村白用休朝

靜落猶連帶繁開正滿條澹然閑賞久無空似嬌饒

增註

董嬌饒
各施也

孤鴈

崔塗

幾行歸塞盡念爾獨何之暮雨相呼疾寒塘欲下遲

渚雲低暗度關月冷相隨未必逢繒繳孤飛自可疑

淮南子鴈銜
繒以避繒繳

增註

箭有綸曰繒繳即綸也謂以
絲系矢而射孟子繳而射之

雨

皎然

片雨拂簷楹煩襟四坐清霏微過麥隴蕭瑟傍沙城

靜愛和華落幽聞入竹聲朝觀興無盡尚詠雲閑情

已前共八首

增註唐詩五言律句三體家法卷之下終

元祿八年乙亥初冬吉且

善仁友

建仁寺町四條下二町目

京師書肆

加賀屋卯兵衛梓



Handwritten text in cursive script, likely a signature or date, located at the bottom right of the right page.

